



Nuuk 26.marts 2019
UPA 2019/19
Jens Napätök, Partii Naleraq

Imm. 45

Naalakkersuisut attartornermut inatsisissatut siunnersuutissaminni pisortat inissiatileqatigiiffiisa attartunngortussanut inissiamik neqeroornerminni inissiaq neqeroorutertik ukiut tallimat kingulliit iluanni oqummik ajornartorsiuteqartoq paasineqarsimagaangat nalunaartalernissaannik pisussaaffiliinissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortaq Sofie Geisler, Inuit Ataqatigiit

Imm 122.

Attartornermut inatsisissatut siunnersuutissaminni attartortut suliffimmut atatillugu inissaminnik tunineqarnerminni inissiami ukiut tallimat kingulliit iluanni oqummik ajornartorsiuteqartoq paasineqarsimagaangat attartortut inissiamik allamik tunineqarnissaminnik annaasaqaratik naaggaarsinnaalernissaannik Naalakkersuisut suliaqarnissaannik peqquneqarnissaat pillugu Inatsisartut aalajangiiffigisassaattut siunnersuut.

Inatsisartunut ilaasortaq Sofia Geisler, Inuit Ataqatigiit

Inatsisartunut ilaasortaq Sofia Geisler, Inuit Ataqatigiit siunnersuutai marluk tassalu imm 45 aamma imm. 122 ataqatigiisillugit ataatsikkut suliarineqassasut siulittaasoqarfiup aaliangerpaat, taakkulu misissuataarluareerlugit Partii Naleqqamiit imatut oqaaseqarfigisavarput.

Siullermik Inatsisartunut ilaasortaq Sofia Geisler, Inuit Ataqatigiit qujaffigerusupparput Inatsisartut aaliangiiffigisassaattut siunnersuutaanut

Siunnersuutit pingaaruteqarluinnartut aammalu inunnut najugaqartunut sunniuteqangaatsiartartut qaqilerpatit.

Partii Naleqqammit naammaginngilluinnarlugit ilaatigut sakkorlaarsinnaasumik saqqummiuttaartuarpagut inissiat attartortittakkat ullutsinnut naleqqukkunnaartut aammalu najugaqartut peqqissusaanut naapertuutinngilluinnartut piaarnerpaamik qanoq iliuuseqarfiginissaat.

Inissiat nutaanngilisut akimmigut ullutsinnut naleqqukkunnaarsimasut aammalu nuuffigineqarneranni aaqqitassat amerlavallaat aaqqinneqaqqaaratik inuttalerneqaqqiinnartartut.

Politikkikkut piumassuseqarnerusariaqalerpugut inissiat pitsaasussaat qaffasissumiitlernissaat taamatullu inuit akilersinnaasaannik aaqqissuusseqqinnissat.



Nuuk 26.marts 2019

UPA 2019/19

Jens Napätök, Partii Naleraq

Akisussaaffiit tamakku kommuninut miloriussuunnarlugit aaqqinneqarsinnaanngillat, qitiusumiit tamakkiisumik sukumiinerusumillu peqataaffigisariaqarpagut.

Inissiat ussiittut ukiukkullu qiinarpallaartut saniatigut ajornartorsiutaasorujussuujuartoq siunnersuuteqartutut qaqilerpat, tassalu inigisat oqoqalernerat.

Najugarisaq oqoqartoq tipeqaannanngilaq, kisiannili aamma inunnut peqqinnanngilluinnartuuvoq ulorianarlunilu, inunnut peqqissutimut innarliisinnaammata annertuumik peqilliutaalersumik aaqqeqqissinnaanngitsumik.

Atuisut attartortut illersugaanerulernissaat aammalu pisinnaatitaaffeqarnerulernissaat Partii Naleqqamiit tapersersoragaagut Partii Naleqqamiit.

Siunnersuuteqartup tamanna ilaatigut ujartorjaa pisortat inissiaatileqatigiiffiisa attartunngortussanut inissiamik neqeroornerminni inissiaq neqeroorutitik ukiut tallimat kingulliit iluanni oqummik ajornartorsiuteqartoq paasineqaraangat nalunaartalernissaanik pisussaaffilernissat pillugu Naalakkersuisut peqquneqarnissaanik Inatsisartut aaliangiiffigisassaattut siunnersuut Partii Naleqqammiit tamakkiisumik tapersersorparput.

Siunnersuuteqartup aappaattut imm 122-imi siunnersuutigaa attartortut suliffimmut atatillugu inissaminnik tunineqarnerminni inissiami ukiut tallimat kinngulliit iluanni oqummik ajornartorsiuteqartoq paasineqarsimagaangat attartortut inissiamik allamik tunineqarnissaminnik annaasaqaratik naaggaarsinnaalernissaanik Naalakkersusiut suliaqarnissaanik peqquneqarnissaat pillugu Inatsisartut aaliangiiffigissaattut siunnersuut tamakkiisumik tapersersorparput Partii Naleqqamiit.

Partii Naleqqamiit isumaqarpugut taamatut nalunaarsuisalernerit atuutilerneranni kikkut tamarmik pisinnaatitaqarfeqalertariaqartut atorfinittuinnaanngitsoq inigisamut oqoqartumut naaggaartoqarsinnaasoqartariaqarpoq.

Atuisut attartortut pisinnaatitaaffigisariaqarpaat ilumut illu oqoqarnikuusimanersoq qanorlu aaqqiiffigineqarsimanersoq.

Taamatut Partii Naleqqamiit oqaaseqaateqarluta siunnersuutit marluusut tamakkiisumik tapersersorlutigu Sanaartornermut ataatsimiititaliami sukumiisumik suliarineqarnissaat innersuussutigaarput.